





普門醫品卷之二十五

東武王化貞元起父編輯

門人陳斌憲卿父較閱

# 咽喉門

腫閉 乳蛾

穀賊 懸癰

論咽喉之與會厭內經謂之吸門喉以候氣咽以  
嚥食會厭管乎其上以司開闔為人身之橐籥緊  
關之門戶

張子和曰咽喉諸證一言可了者相火是也學者



各詳其狀有十八證。其實一也。十八證外。又有喉痺。謂咽喉腫閉也。暴發暴死。名曰走馬喉風。又曰鎖喉風。雖其名狀不同。要皆熱甚生風。風火急變。故暴發而暴死也。○又有尸咽證。此爲陰陽不和。脾肺壅盛。風熱毒氣不能宣通。故尸蟲發動。上蝕於喉。或癢或痛。如蠶之候也。○所謂乳蛾者。生於會厭兩旁。腫起如蛾。雙者輕。單者重。○有穀賊證。誤食稻苳滯於咽間。不能傳化。與血氣搏。遂令腫痛。如生穀刺也。○有懸癰證。腫毒生上腭。甚者塞咽。不能下食。若不速治。皆能殺人。

子和云。喉痺病大槩痰火所致。輕則腫痛。重則閉塞。急者宜吐痰。後復下之。上下分消而愈。甚者以鍼刺去惡血。然後用藥吐下。此爲治之上策。若畏縮逡巡。瞬息喪命。蓋治喉痺之火。與救火同。不容少待。吐法以桐油或燈油。以鷺翎探吐之。

**腫閉**

六十方

咽喉腫疼

蓬砂。白梅。等分。搗丸。芡實大。每嚥化一丸。凡喉痺。



普門醫品  
初覺卽以蓬砂噙化。輕者可愈。重者亦殺其大勢。  
可以別藥取效。經驗方

又方

鉛白霜。甘草。各半兩。青黛一兩。爲末。醋糊爲丸。芡  
實大。每含嚥一丸。立効。聖濟錄

又方

朴硝一兩。硃砂一錢。研末含嚥。如氣塞不通。加生  
甘草末二錢。吹之。外臺方

又方

嫩艾葉搗汁。細嚥之。以其渣入醋敷喉上。冬月乾  
艾亦可。醫方大成

又方

射干。黃芩。生甘草。桔梗。各五分。爲末。水調頓服。立  
愈。便民方

又方

馬蘭根葉二兩。水一升半。煮一盞。細飲之。花亦妙。  
本草綱目

又方



用鴨跖草。卽碧蟬花。搗汁含之。嚙吐任意。袖珍方

又方

猪牙皂角去皮弦。白礬。黃連等分。置新瓦上焙乾。爲末。吹之。少頃當吐出膿血而愈。醫統

又方

牙皂一挺。去皮絃。米醋浸炙七次。勿令太焦。爲末。每吹少許入咽。吐痰卽止。聖濟總錄

又方

荆瀝細細嚙之。千金翼方

又方

露蜂房燒存性。白僵蠶等分爲末。每用半錢。乳香

湯服。本草綱目

又方

蜂房燒灰一錢。吹入喉內。不拘老幼。食醫心鏡

又方

白僵蠶炒。白礬半生半燒。等分爲末。每一錢。用自然薑汁調灌。得吐頑痰立效。小兒用薄荷。生薑少許。取汁同調。仁存方



又方

生香油一合灌之立愈 本草方

又方

石蟹磨水飲并塗喉外即愈 聖濟方

又方

大蒜塞耳鼻中日再易之 肘後方

又方

芥子末水和傅喉下乾即易之 聖惠方

又方

蘿蔔汁和皂莢汁服取吐 普濟方

喉腫

牛旁子根二兩水一碗煎半碗細細服 本草綱目

又方

扁竹根搗汁嚥之或嚙引涎出亦妙 醫方大成

喉腫不下食

生韭一把搗爛炒熱敷喉外冷即易 千金方

又方

升麻五錢煎服取吐 直指方



又方

苦苣菜搗汁半盞。燈心湯泡絞汁半盞。和勻。徐徐

服之

普濟方

又方

老黃瓜一枚去子。入硝填滿。陰乾為末。每以少許

吹之

醫林集要

又方

絲瓜搗汁灌之

普濟方

咽喉作痛

吳茱萸為末。醋調塗足心即愈。生附子末更妙

集

簡方

又方

山豆根。含之嚥汁極妙。或磨醋噙之

本草綱目

喉瘡作痛

用燈籠草。

即酸漿

炒焦研末。白湯調服。仍以醋調

敷喉外

丹溪纂要

又方

射干。山豆根。等分為末。吹之神効

袖珍方



喉中腫塞

用蝸牛綿裹水浸。含嚙須臾立通。本草綱目

又方

用生半夏末搐鼻內。涎出效。集簡方

神驗方 治喉中腫塞喘息不通

用絡石葉一兩水二盞煎一盞。細細呷之。須臾即

通。外臺秘要

又方

葱鬚陰乾為末。每用二錢。入膽礬末一錢。和勻。每

用一字吹之。杜壬方

又方

天南星一個剝去心。入白僵蠶七枚。紙包煨熟。研

末。薑汁調服一錢。甚者灌之。吐涎愈。博濟方

又方

生白礬為末。少許點腫處。吐涎。以痒為度。聖惠方

又方

燈心草。紅花。各燒灰等分。酒服一錢即消。惠濟方

咽喉卒塞



以皂角吹鼻取嚏。仍以李樹根皮磨水塗喉外。救  
園雜記

冬月喉痺腫痛不可下藥者

蛇床子於瓶中燒。以口對瓶吸其烟。自愈。聖惠方

聖烟筒 治喉痺牙關緊急不通

用蓖麻仁。研爛紙捲作筒。燒烟薰吸即通。或只用

其油。作燃薰用。更妙。本草綱目

喉痺口噤不開欲死

草烏頭。皂莢等分爲末。入麝少許。擦牙并搗鼻內。

牙關自開 本草綱目

又方

羌活一兩。牛旁子五錢。水三鍾煎二鍾。入白礬少

許。灌之取効。聖濟錄

喉痺欲絕不可針藥者

乾漆燒烟。以筒吸之。聖濟總錄

喉痺垂死止有餘氣者

巴豆一枚去皮。線穿納入喉中。牽出即甦。千金方

急喉痺塞透巡不救



皂莢生研末。每以少許點患處。外以醋調厚封項下。須臾便破出血卽愈。或按水灌之亦良。直指方

又方

白僵蠶。天南星等分。生研爲末。每用一字。薑汁調灌。涎出卽愈。後以生薑灸過含之。王氏博濟方

急喉痺內外俱腫名纏喉風不拘大人小兒俱效

用遠志去心爲末水調傅項上一連立効。平治會萃

纏喉風其證先兩日胸中氣緊喘促。暮然咽塞不用

手足厥冷頃刻不救

巴豆七粒。三去殼生研。四去殼炒存性。雄黃明亮者。皂子大一塊。蟬肚鬱金一箇。各研爲末。每用半字。茶調呷之。如口噤用小竹管納藥吹喉中。須臾

吐利卽瘥。華陀方

又方

鴨嘴膽礬二錢半。白僵蠶炒三錢。研細。每以少許吹之。有涎吐去愈。濟生方

又方



焰硝一兩。白僵蠶一錢。礪砂半兩。片腦一字。爲末吹之。三因方

又方

雄黃一錢。磨新汲水一盞。取吐愈。續千金方

又方

番木鼈仁一個。木香三分。同磨水。調熊膽三分。膽礬五分。以雞毛掃患處。効。唐瑤經驗方

纏喉風腫藥不能下

先以涼藥灌鼻中。通利十餘行。用陽起石燒赤。伏

龍肝等分。細研。以新汲水調掃喉外。日用百遍。三

日卽愈。儒門事親

喉風急症。牙關緊閉。水穀不下。

用山豆根。白藥子。等分水煎。嚥之。嚥下二三口卽愈。楊清叟外科方

又方

馬屁勃。卽灰菰。焰硝。等分爲末。每吹一字。吐涎血。

卽愈。經驗良方

走馬喉痺



白礬半斤。研末水化。用新磚一個浸透。曬乾。又浸  
又曬。水盡為度。入糞廁中浸一月。取洗安陰處。待  
霜出掃收。入麝香少許。每用半錢吹喉中。普濟方

又方

以燈盞油呷之。古有詩云。急喉腫痺最堪憂。急取  
盛燈盞內油。甚者不過三五呷。此方原是至人留  
本草綱目

喉痺卒不得語

煮豉汁一升溫服。覆取汗。仍着桂末於舌下。嚥之。

即効

千金方

喉痺失音

杏仁去皮炒黃三分。和桂末一分。研泥綿裹含之。

嚥汁

文潞公藥准

又方

蟬蛻研末一錢。井花水服。

藏器本草

又方

黑豆煮汁。煎稠如飴。含之。飲其汁良。

千金方

乳蛾

十五方



七寶丹 治雙單乳蛾及喉風腫閉

真僵蠶真全蝎去毒各十箇牙皂角炙去子弦蓬砂雄黃明礬各一錢膽礬五分為細末每次一字入喉立愈 丹溪方

冰梅丸 治喉中乳蛾

青梅二十枚鹽十二兩淹五日取梅汁入明礬三兩桔梗白芷防風各二兩猪牙皂角三十條俱為細末拌汁和梅入瓶收之每用一枚嚙之嚥津凡中風痰厥牙關不開用此擦之尤佳 本草綱目

通關散 治全上

白礬三錢銚內溶化入劈開巴豆三粒煎乾去豆研礬用一字吹喉立愈甚者醋調灌之 本草綱目

又方

皂礬入米醋同研含之嚥汁立瘥 劉禹錫傳信方

又方

牛膝一握艾葉七片搗和入人乳取汁灌入鼻內須臾痰涎從口鼻出即愈若無新鮮者以水洗搗之或只以牛膝搗汁醋和灌之亦妙 本草綱目



又方

雞內金。勿見水。陰乾燒末。竹管吹之。即愈。

青蘘方

又方

白丁香二十箇。以沙糖和作三丸。每以一丸綿裹含嚥。即愈。甚者不過二丸。極有奇效。

普濟方

又方

臘月初一日。取猪膽不拘大小五六枚。用黃連。青黛。僵蠶。白礬。朴硝。薄荷。各五錢。為末。裝入膽內。青紙包住。將地掘一坎。方深各一尺。以竹橫懸此膽

於內。以物蓋定。候立春。日取出。風乾。去膽皮。研末。

磁瓶密收。每吹少許入喉。神驗。

邵真人經驗方

又方

用青魚膽汁灌鼻中。取吐愈。含嚥亦佳。一方用膽礬裝青魚膽中。陰乾。每用少許吹喉。取吐。

萬氏方

又方

白礬研末。入猪膽中。風乾。研細。每吹一錢入喉。取涎出。即愈。

本草綱目

又方



蛇皮揉碎燒烟。以竹筒吸入即破。本草綱目

又方

土蜂窠一箇。為末。先以楮葉擦破病人舌。令血出。以醋和末。用翎點之。痰涎出為效。後用竹根搗水。服半盞取利。瑞竹堂方

又方

用墻上壁錢七個。內要活蛛二枚。搥作一處。以白礬七分一塊。化開。以壁錢蘸惹礬淨。燒存性。出火毒為末。竹管吹入。立時就好。忌食熱物。本草綱目

又方

蟾酥。草烏尖。猪牙皂角。各等分為末。丸小豆大。每研一丸。點患處。神效。活人心統

又方

蠶蛻紙。燒存性。煉蜜丸。芡實大。含化。嚥津。集驗方

**穀賊** 二方

咽喉穀賊腫疼。金治尸咽

蓬砂。牙硝。等分為末。蜜和半錢。含嚥。直指方

誤吞穀。芒。檜。刺。癢。痛



脂麻炒研。每用三四錢。白湯調細細嚥下。三因方

**懸癰** 五方

喉內懸癰腫塞

五倍子。白僵蠶。甘草。等分爲末。白梅肉搗和。丸彈子大。嚥。其癰自破。朱氏經驗方

懸癰舌腫咽生息肉

羊蹄根。煮汁。熱含。冷吐之。聖惠方

又方

先刺破出血。後用鹽鼓搗細塗之。神效。聖濟總錄

又方

綿裹筋頭。蘸鹽點之。日五六次愈。孫真人方

啓關散 治全上

牛旁子炒。生甘草。等分。水煎含嚥。一方加馬蘭子。普濟方

**諸哽門** 通治 骨哽 魚刺哽  
金鐵哽 竹木雜物哽

**論**陳無擇云。治哽之法。皆以類從。如鷓鴣獺治魚骨哽。慈石治鍼鐵哽。髮灰治髮哽。豺虎治諸骨硬。



亦各從其類也

凡物哽者。蓋以食入喉而物不順。致物刺住而不能下。推之以理。反而上出。則為順矣。法當涌吐。乘其飲食之出而上送。則順而易為也。若刺之深者。必欲推下。勢所不能。延遲日久。咽喉潮腫。其刺愈深。即欲涌吐。而又無食可送。以此因循。多致不救。

**通治** 三方

咒法 治一切物哽喉甚驗

左手捏三山訣。擎淨水一盃。右手掐劍訣。地上寫

一轟字。左足躡之。又寫一犇字。右足躡之。用劍訣

於水上寫魑魍魎魑魍魎魑魍魎魑魍魎魑魍魎。○魚刺類

加一魑字。○禽類加一鸚字。○獸類加一鸚字。末

寫雪山童子到。寫畢飲之。愈。足不離地。盃不更手

又法

照前掐訣。擎水於水上。書魑魍魎魑魍魎魑魍魎魑魍魎字。

亦同前。將水飲之。即愈。但以熱快為妙。

九龍入洞法 治同上

左手掐三山訣。捧淨水一盃。向東。右手掐劍訣。寫



雲龍鬼三字於水內。念咒云。此蓋化爲東洋大海。咽喉化作萬丈深潭。九龍入洞之法。吾奉太上老君急急如律令勅。吞法水一口。哽卽化。俱經驗方

**骨哽**

二十一方

諸骨鯁喉

五月五日午時。取韭畦中蚯蚓泥。面東勿語收貯。每用少許擦喉外。其骨自消。

又方

尋多年懸掛麻繩。上有灰塵堆積者。連繩解來。用新瓦盛之。炭火煨成灰。研末。沙糖丸如芡實大。含在口中化下。不十丸其骨不出卽消。雖哽死之人。但有微氣。用箸啓齒。將丸入在口中化。一丸又入一丸。至八九丸定活。本草綱目

又方

乳香一錢。水研服之。

衛生易簡方

又方

桑木上蟲。糞。米醋煎呷。

永類鈴方

又方



羊脛骨灰。米飲服一錢。聖惠方

骨哽在咽百計不下

用南蓬砂一塊。含化燕汁。其哽即下。夷堅志

又方

瞿麥為末。水服二錢。日二服。外臺秘要

又方

半夏。白芷。等分為末。水服一錢。當吐出。外臺秘要

又方

鳳仙花根。搗爛。嚥自下。治雞骨哽尤妙。急以溫

水漱口。免損齒。金治誤吞銅鐵。危氏得效方

又方

野薔薇根為末。水服二錢。日三服。外臺秘要

又方

白歛。白芷。等分為末。水服二錢。聖惠方

又方

薤白曬萎。以絲線繫緊嚼成團。吞到哽處。引之即

出。食療本草

又方



栗子肉上薄皮半兩炒研末。乳香。鮎魚肝各一錢。同搗丸。梧子大。以綿裹線拴吞下。卽鈎出。聖濟方  
咽中骨哽欲死者

白鳳仙子。研水三五匙。以竹筒灌入喉中。其物卽軟。不可經牙。或爲末吹喉亦良。普濟方

又方

紅桑椹。細嚼先嚥汁。後嚥滓。新水送下。聖惠方

又方

烏賊魚骨。陳橘紅焙。等分爲末。寒食麩和飴爲丸。

芡子大。每用一九。含化嚥下。聖濟總錄

又方

以雞足一雙。燒灰水服。外臺方

雞骨哽咽

五倍子爲末。以少許吹入喉中。卽化下。海上名方

又方

貫衆。縮砂。甘草。等分爲麩末。綿包少許。含之嚥汁。久則隨痰自出。一方無貫衆。普濟方

獸骨哽咽



虎骨爲末。服二錢。或用象牙磨水吞之。外臺方

又方

狼屎燒灰。水服之。千金方

**魚刺哽**

十三方

諸魚骨哽

用鯉脊三十六鱗。焙研。涼水服。其刺自跳出神效

筆峰雜興

又方

以好蜜少少服之。自下。葛氏方

又方

倒用食箸書一獺字於酒中。或水中。不語飲之。卽

下經驗方

又方

獨瓣蒜塞鼻中。自出。十便良方

又方

用飴糖丸如雞子黃大。吞之。不下再吞。肘後方

又方

硃砂少許。唾燕止下。外臺秘要



又方

白炭灰一小鍾。用水和勻。去渣服之。卽下

又方

玉簪花根搗汁。以竹筒灌入咽中。其哽自消。不可

着牙齒

乾坤生意

又方

蓖麻子仁研爛。入百藥煎丸。彈子大。井花水化下

本草綱目

又方

椿樹子燒研。酒服二錢

生生編

又方

百合五兩研末。蜜水調。圍頸項包住。覺乾易之。三

四次卽下

聖濟錄

諸魚骨哽橫在胸中。不上不下。痛極幾死

橄欖食之卽消。或將橄欖核研末。急流水調服。神

效

名醫錄

又方

吳茱萸煎水一盞溫服。其骨必軟出。未出再服。有



骨在肉中不出者。搗吳茱萸封之。卽出。食療本草

**金鐵哽** 九方

誤吞金銀銅錢等物

濃煎縮砂湯飲之。卽下。危氏得效方

又方

葵菜搗汁。冷飲甚妙。葵花煮汁飲之更妙。普濟方

又方

官粉一兩。猪油調。分二服。卽消洋而出。外臺秘要

誤吞銅鐵竹木等物

飴糖一斤。漸漸食盡。便出。外臺方

誤吞銅鐵骨刺不下危急者

王不留行。黃檗。音栢等分爲末。湯浸蒸餅爲丸。彈子

大。青黛爲衣。線穿陰乾。冷水化服。一丸。百一選方

誤吞銅錢

多食胡桃自化出。胡桃與銅錢共食卽成粉。可證

李樓方

又方

木賊爲末。淮子。口調服。一錢。聖惠方



又方

葶藶研汁。細細含嚥。自然消化成水。此物善毀銅。合銅錢嚼之。則錢化。足知其效。百一方

吞針入腹。百藥不能治。煮蠶豆同韭菜日食。針即從大便出。積善堂方

**竹木雜物哽**

九方

誤吞竹木哽喉

秤鏹燒紅。淬酒飲之。集玄方

又方

故鋸燒令赤。淬酒熱飲。極驗。藏器本草

又方

蓖麻子仁一兩。凝水石二兩。研勻。每以一捻置舌

根。嚥。自然不見。本草綱目

又方

蓖麻仁。紅麴。等分。研細。沙糖丸。皂子大。綿裹含嚥。

痰出効。本草綱目

竹木刺及骨鯁入咽喉。不拘大人小兒。日久或入臟腑。危甚者。服之皆出。



臘尸必鮓魚膽。北簷下陰乾。每用一皂子大煎酒溫呷。得吐則哽隨涎出。未吐再服。以吐為度。酒隨量飲。無不出者。鯽膽亦可。勝金方

稻苾粘喉不得出者。乾坤秘韞

桃李哽咽

狗骨煮湯摩頭上。子母秘錄

髮哽咽中

舊木梳燒酒服。集玄方

食哽

鷹屎燒灰水服二錢。外臺方

晉門醫心卷之二十一五終



普門醫品卷之二十六

東武王化貞元起父編輯

門人陳斌憲卿父較閱

癰疽門

通治潰前潰後

翻花骨疽癰毒

附

論陳無擇云。癰則皮薄腫高。疽則皮厚腫堅。初發並宜灼艾。

李氏云。治疽之法。灼艾之功。勝于用藥。初發一二日。須用鬲宗灸。瘡潰則貼神異膏。如此則瘡不



開大肉。才見塊瘡。口易歛。一舉三得。此方之妙。人所罕知。若頭上見疽。宜用騎竹馬灸法。及足三里穴灸之。背疽漫腫無頭者。用濕紙貼腫處。但一點先乾處。卽是瘡頭。可用大蒜十顆。淡豉半合。乳香末。錢許。研勻。鋪瘡上。攤艾灸之。如上法。

薛立齋曰。灸法有回生之功。凡背疽。或附骨疽。及腿臀諸毒。初起未明者。尋頭用灸。多自內消。若毒氣熾盛。更服活命飲。其功尤捷。若氣血虛弱。必以補托爲主。若背疽大潰。欲驗穿透內膜者。不可用皂角取嚏。惟以紙封患處。令病者用意呼吸。如紙不動者。未穿透也。倘用取嚏。鼓動內膜。反致穿透。慎之慎之。

又云。灼艾之法。必使痛者不痛。不痛者痛。則其毒隨火而散。否則非徒無益。而又害之。

凡癰疽大按乃痛者。膿深。小按便痛者。膿淺。以手按之。熱者有膿。不熱者無膿。按之熱硬無膿。按之半軟半硬。已有膿。大軟方是膿成。所按之處。不復者。無膿。按之卽復者。有膿也。發腫而軟者。血瘤也。



非癰也。瘰疬日漸長大。而不大熱。時時牽痛者。氣  
瘤也。

瘡瘍之證。五善之中見一二善證者。可治。七惡之  
內見一二惡證者。難治。若虛中見惡證者。不救。實  
中無惡證者。自愈。此證雖云屬火。未有不由虛而  
致者。故經云。督經虛從腦出。膀胱虛從背出。豈可  
專泥于火。而用苦寒藥乎。

五善。動息自寧。飲食知味。一也。大小便調。二也。膿  
潰腫消。水鮮不臭。三也。神彩精明。語聲清亮。四也。

體氣平和。五也。

七惡。煩燥時嗽。腹痛渴甚。或泄利無度。或小便如  
淋。一也。膿血既潰。腫焮尤甚。膿色敗臭。痛不可近。  
二也。目視不正。黑精緊小。白精青赤。瞳子上看。三  
也。喘促短氣。恍惚嗜卧。四也。肩背不便。四肢沉重。  
五也。不能服藥。食不能下。不知味。六也。聲嘶色敗。  
唇鼻青赤。面目四肢浮腫。七也。

癰疽死地分一。伏兔。二。腓脛。三。背。四。五。臑。六。項。  
六。腦。七。髭。八。鬢。九。頤。



凡瘡不起者。托而起之。八珍湯。不成膿者。補而成之。十全大補湯。膿成不潰。四君子湯。加耆歸肉桂。仍及時針之。若畏痛而不肯針。必至自誤。蓋患處肉已壞矣。何痛之有。何傷之慮。壯實者自潰而出。若怯弱之人。待其自通。必至大潰。不能收斂。氣血瀝盡而死矣。

凡元氣虛弱者。宜先補而後針。其膿一出。諸證自退。若遲疑不決。使膿瘀無從而泄。毒氣無從而解。反攻于內。欲望其生。豈可得乎。古人制法。淺宜砭。而深宜刺。毒結四肢。砭刺少緩。令腐潰深大。亦難收斂。若項頰胸腹緊要之處。不問壯弱。急宜砭刺。必不容緩。

疽有椒眼十數。或如蜂窩。蓮蓬者。名蓮蓬發。膿不得出。宜用鈇針橫直裂之。或當椒眼上。個個灸之。大抵此等惡證。惟用蒜灸。及塗烏金膏爲妙。

癰疽潰後。腐肉凝滯。急須取去。乃推陳致新之意。若壯者氣血充溢。正能勝邪。或自去自平。不能爲害。若年高怯弱之人。血液少。肌肉澁。必用利刃快



剪及時去之。若留而不去。則有爛筋腐肉之患。悔將何及。

潰後不斂。係氣血俱虛。宜大補。用十全大補湯。氣虛倍參耆。血虛倍芩歸。飲食不思者。六君子湯加乾薑。疼痛不可忍者。宜服內補黃耆湯。外付乳香定痛散。

瘡瘍用藥。有因人而異者。有因時而異者。亦有舍時從證者。皆須通變。不可執一。惟隔蒜灸法。人人可用。神燈法。始終可用。能助湯劑。合表裏以成功。

通治十

神燈 能治一切癰疽惡瘡毒癩。不拘未成已成。未潰已潰。神效。

雄黃沒藥硃砂血竭各一錢麝香二分爲細末。用綿紙作撚。每撚藥三分。蘸香油于燈上點着。離患處寸許。自外而內。週圍徐徐照之。毒大者可用撚三根。日照二次。毒小者用撚一根。日照一次。重者不過五六日。已成者卽消。已潰者卽斂。陰瘡不起發者。一照卽起紅暈。毒隨火出。保無後患。此乃屢



經試驗者毋忽之

聶化南傳

### 蠟礬丸 治全上

明亮白礬一兩。生研。以好黃蠟七錢。溶化和丸。梧子大。每服二三十丸。熱水送下。日三服。若一日服近百丸。其効甚速。未破即消。已破即斂。能解毒護膜。止痛生肌。托裏排膿。其功甚大。服至一兩以上。無有不効。活人不可勝數。有人遍身生瘡。狀如蛇頭。服此亦効。真奇力也。不可以賤而忽之。李迅癰疽方

### 遠志煎 治全上

遠志不拘多少。米泔浸透。槌去心為末。每服三錢。溫酒一盞調澄少頃。飲其酒。以滓敷患處。陰瘡不疼者即疼。疼者即消。不潰者即潰。不斂者即斂。大有神効。三因方

### 托裏消毒散 治全上

人參黃耆。鹽水拌炒。當歸酒拌。川芎。白芍藥炒。白朮炒。茯苓。各一錢。白芷。金銀花。各八分。甘草五分。水二鍾煎至八分。隨瘡上下服。未成即消。已成即



潰腐肉易去。新肉易生。

芙蓉散 治全上

芙蓉葉或生研或乾研。以蜜調塗患處。中間留頭。乾則頻換。初起者即覺清涼。痛止腫消。已成者易潰。已穿者易斂。妙不可言。花及根皮俱可用。或加赤小豆末尤妙。本草發明

桑木灸法 治全上

乾桑木劈成細片。紮作小把。燃火吹息。灸患處。每灸片時。日三五次。以瘀肉腐動爲度。大抵未潰則

解熱毒。止疼痛。消淤腫。已潰則補陽氣。散餘毒。生肌肉。陽證腫痛。或重如負山。用此法出毒水。即內消。日久者用之。雖潰亦淺。且無苦楚。陰瘡不起者。一灸即起。并治癰癤。流注。疔瘡。頑瘡。久不愈者。俱有神効。本草綱目

梅花點舌丹 治全上

雄黃飛。硃砂飛。乳香。沒藥。血竭。硼砂。苦苧。麝。各二錢。沉香。蟾酥。乳泡。冰片。牛黃。各一錢。麝香。熊膽。玳珠。煨。各五分。各爲末。飯丸如綠豆大。每用一丸。噙



舌下自化

麥飯石膏 治全上

麥飯石碎如碁子大。炭火燒赤投米醋中浸之。如此十次。研末篩細。入乳鉢內。用數人更碾五七日。要細膩如粉。鹿角一具。要生取連腦骨者。自脫者不堪用。每二三寸截之。炭火燒令烟盡即止。爲末。研細。每麥飯石末二兩。鹿角灰二兩。白歛生末二兩。用三年米醋入銀石器內。煎令魚目沸。旋旋入藥于內。竹杖子不住手攪熬一二時久。稀稠得宜。

傾盆內待冷。以紙蓋收。勿令塵入。用時以鷺翎掃于腫上。赤處盡塗之。中留錢大空處。洩氣。如未有膿即內消。已作頭即縮小。已潰即排如湍水。若日久潰腐。露出筋骨者。即塗軟布上貼之。乾即易。日見瘡口收斂。但膜未穿透者。即無不瘥。已潰者先以猪蹄湯洗去膿血。故帛拭淨。然後用藥。切忌手觸動嫩肉。及口氣吹風。一切腋氣。婦人月經有孕人見。合藥亦忌。初時一日一洗一換。十日後二日一換。此藥要細方效。若不細塗之即疼。麥飯石處



處山溪間有之。詳藥物考。

呂子華秘方

猪蹄湯

方見本門已潰條

又方

三七醋磨調塗卽散。破者研末乾摻。

瀕湖集簡方

又方

鹽白梅燒存性爲末。入輕粉少許。香油調塗四圍。

王氏簡易方

〔潰前〕

五十三方。○與通治條參看

隔蒜灸法

治一切癰疽惡毒初起

凡惡毒初起。或兩背胛間赤痒腫痛。中有白粒。卽是瘡頭。若漫腫無頭。用濕紙搨上。先乾處是頭。以墨圍之。用大顆獨蒜。切片三分厚。貼疽頂。用艾隔蒜灸之。每三壯易蒜。痛者灸令不痛。不痛者灸令痛。艾炷大小。視毒輕重。不論壯數。依法灸之。其毒卽散。不散亦易于成就。不至內攻。萬無一失。神効方也。若毒深勢重。其人昏憤躁亂。瘡不起發。卽用艾于肉上灸之。更妙。若發背濶大。非蒜錢所可灸者。用濕紙貼尋瘡頭。隨瘡大小。用竹片作圈圍定。



以大蒜十顆。淡豆豉半合。乳香一錢。細研和勻。填于竹圈內。二分厚。著艾灸之。蒜乾欲然。再以蒜搗和。痛灸至痒。痒灸至痛。以百壯爲率。

外科精要

### 騎竹馬灸法 治全上

其法。令病人以肘憑几。直伸手臂。用箴一條。自腕中橫紋。男左女右。貼肉量起。直至中指尖盡處。截斷爲則。不量指甲。却用竹杠一條。令病人脫衣正身騎定。令二人扛起病人脚不着地。又令二人扶之。勿令偃僂欹斜。却將前箴從竹杠上尾骶骨盡

處。貼脊正中。量至箴盡處爲則。用墨點記定。此只取中。非灸穴也。却用薄箴作則子。量病人中指節相去兩橫紋爲則。男左女右。截爲一則。就前點記處。兩邊各量一則。卽是灸穴。疽發于右則灸右。發于左則灸左。甚者左右俱灸。五疰。此心脉所過處。灸則火流毒散。起死回生。屢試屢驗。

外科精要

### 螞針法 治全上

用筆管一箇。入螞螞一條。卽水蛭先以水濕瘡。以管口對瘡頭。使螞吮瘡血。其毒卽散。如瘡大須換



三四條。若正穴其蟻必死。累試累効。若血不止。以藕節上泥塗之。若瘡頭未辯。以井邊泥塗上。先乾處卽是。洪丞相方

活蟾拔毒法 治全上

活蟾一箇。繫放毒上。半日蟾必昏憤。置水中。抹其命。再以一箇如前法。其蟾必踉蹌。再易一箇。其蟾無恙。則毒散矣。累驗。若勢重者。以活蟾一箇。破開連肚。乘熱合瘡上。不久必臭。不可聞。再用二三次。卽愈。慎勿以物微見輕也。醫林集要

國老膏 治全上

大甘草二斤。搥碎。河水浸一宿。揉取濃汁。用密絹濾過。砂鍋內慢火熬成膏。磁罐收之。每服一二匙。無灰酒。或白湯下。一連數服。微利無妨。最能消腫逐毒。使毒不內攻。其功不可具述。所謂消患于未形也。外科精要

神僊截法 治全上

真麻油一斤。銀石器內煎十數沸。取出。入酒兩碗。通口熱服。一日用盡。緩則二三日服之。吳安世云。



吾家三世用此。無有不驗。聞獵者云。凡中毒箭。急飲麻油。藥毒卽消。可知其効。直指方

蝮涎解毒方 治全上

用活蝮牛二百箇。以新汲水一盞。入小瓶中。封一夜。取涎水。入真蛤粉。旋調。掃傳毒上。日十餘度。痛止毒解。其蝮仍送陰濕處。勿傷其生。集驗方

護心內托散 治全上

真綠豆粉一兩。乳香半兩。焙焦。燈心同研。和勻。以生甘草濃煎湯調下二錢。時時呷之。要使藥常在

膈間。若毒氣冲心。有嘔逆之證。大宜服此。凡遇疽發。三日之內。宜連進十餘服。使毒氣出外。可免變證。卽四五日後。亦宜間服之。服至一兩。則香徹瘡孔中。真聖藥也。老弱虛寒者。量服。李嗣立外科方

忍冬酒 治全上

忍冬藤五兩。用木槌爛。不可犯鉄。大甘草節一兩。同入沙碓內。水二碗。文武火慢煎至一碗。入無灰好酒一碗。再煎十數沸。去渣。分爲三服。一日一夜服盡。勢重者。一日二劑。以大小便通利爲効。別用



一把摘葉研爛。入白酒少許。稀稠得所。塗腫四圍。中留一孔泄氣。外科精要

又方

用黃麈石如鷲卵大者。猛火燒赤。淬醇醋中。再燒。再淬。至石盡。澄取石屑。暴乾研末。醋調塗之。無不

愈。徐氏醫按

又方

以熱湯頻沃之。不已。即愈。集簡方

又方

香油煎葱黑色。趁熱通手旋塗。自消。百一選方

又方

赤小豆研末。水調塗之。神驗。或納醎醋中浸一宿。晾乾炒研。酒和塗之。并治疔腮甚妙。集驗方

又方

栝樓根。赤小豆。等分爲末。醋調塗之。楊文蔚方

又方

紫花地丁。鹽醋浸一宿。搗如泥。入麩和貼之。乾則易。有尼發背。夢得此方。數日而痊。集効方



又方

龍葵莖葉。搗酒服。仍以津敷之。甚妙。普濟方

又方

金銀花連莖葉。擣自然汁半碗。煎八分服之。以渣敷上。敗毒托裏。散氣和血。甚妙。積善堂方

又方

五葉藤。又名五爪龍一握。生薑一塊。全搗爛。入好酒一盃。絞汁。熱服。取汁。以渣敷之。即愈。壽域神方

又方

伏龍肝。蒜搗和作泥。貼之。乾再易。極妙。外臺秘要

又方

野菊花連莖搗爛。酒煎。熱服。取汁。以渣敷之。即愈。孫氏集効方

又方

甘草三兩。炙剉。瓶盛。用酒一斗浸之。乃鎔黑鉛一斤投酒中。如此九度。去渣飲酒。醉臥即愈。經驗方

又方

老鴉蒜。搗如泥敷之。或水煎服。取汗愈。本草綱目



又方

新掘天門冬三五兩洗淨。磁器插細。以好酒三五  
甌。瀝汁頓服。未效再服。必愈。醫學正傳

又方

黑牽牛。白牽牛。各一兩。布包槌碎。以好醋一碗熬  
至八分。露一宿。次日五更溫服。以大便出膿血為  
妙。老弱人勿用。張三丰方

一切腫毒初起。發熱便閉。勢盛者

秦艽一兩。牛乳煎服。利三五度。即愈。集驗方

治癰疽發寒顫

乳香半兩。熟水研服。即止。蓋顫發于脾。乳香入脾  
故也。仁齋直指方

癰疽發背初起。覺眼花頭暈。口乾舌苦。心驚背熱。四  
肢麻木。覺有紅暈在背後者

槐花一大抄。鉄杓內炒褐色。以熱酒一碗泡之。乘  
熱飲酒。一汗即愈。如未退再炒一服。極効。縱成膿  
者。亦無不愈。保壽堂方

一切癰疽發背無名腫毒。未成或已成。掀痛寒熱狀



類傷寒

忍冬葉黃耆各五兩當歸酒洗二兩甘草八錢爲末每服三錢酒調連渣服少頃再進一服未成者卽消已成者卽潰或以藥三錢用酒盞半煎一盞濾渣服以渣敷腫處亦妙和劑局方

僊人活命飲 治一切癰疽惡腫初起而未成及已成而未潰者

穿山甲以蛤粉炒黃白芷防風甘草節赤芍藥當歸天花粉貝母皂角刺各一錢金銀花陳皮各

三錢酒水各一碗煎數沸去渣入乳香沒藥末各一錢調服連服三四劑更多飲酒以助藥力未成者卽消已成者卽潰止痛消毒其効如神外用神燈法照之更妙神燈法見本門通治條

又方

取楸葉十重敷腫上舊帛裹之日三易當重重有毒氣成水流在葉上是其驗也冬月取乾葉鹽水浸軟或根皮搗爛敷之皆効止疼消腫蝕膿血勝

于衆藥東陽方



針頭散 治全上

蟾酥。麝香。各一錢。研勻。乳汁調和。入確中待乾。每用少許。津摩調敷之外。以膏護之。毒氣自出。不能為害也。保命集

一切癰疽。焮熱作疼。

大黃末。醋調塗之。燥即易。不過四五次愈。肘後方

又方

葦蕪草葉。五爪龍。稷葉。小薊葉。各一兩。搗爛入熱酒一盃。絞汁服。得汗立瘥。北乳坤生意

靈寶散 治全上

用鬼繫腰

絡石而生其藤柔細兩葉相對

取莖葉

洗晒。勿見火。皂莢刺新瓦炒。各一兩。甘草節半兩。大瓜樓一箇。取仁炒香。乳香。沒藥。各三錢。每服二錢。水一盃。酒半盃。慢火煎至一盃。溫服。外科精要

一切腫毒。疼痛難忍。

芭蕉根。搗爛塗之。并治赤遊斑毒。肘後方

又方

冬瓜。截去頭合瘡上。瓜爛。截去更合之。瓜末盡瘡



大勢已歛矣

肘後方

陰疽頭凹色黯不疼無熱服補藥不起發者

用人牙煨過穿山甲炙各一錢爲末分作兩服用當歸麻黃煎酒下外以薑汁和麩傳之

直指方

石癰堅硬不作膿者

生商陸根搗爛傳之燥卽易取軟爲度

張仲文方

又方

芫荽子爲末醋和敷瘡頭根卽拔出

千金方

癰疽腫硬不破或破而無膿

斑蝥爲末以蒜搗膏水和一豆許貼瘡頭上少時

膿出卽去之

直指方

癰腫無頭

黃葵子一粒水吞之如吞兩粒則有二頭或蜀葵子爲末酒調敷之

經驗方

又方

用黃蠟如麥粒大兩頭捻尖冷水吞一粒卽有頭

出神効

經驗方

又方



用白茅針初出土者。酒煮服之。一針一孔。二針二孔。藏器本草

又方

皂角刺燒灰。酒服三錢。嚼葵子三五粒。覺其處如針刺。卽有頭出。儒門事親

又方

蛇蛻燒灰。猪脂和塗。卽有頭出。本草綱目

替針丸 治一切癰疽膿成不潰

白丁香卽雀屎 硃砂 沒藥 乳香 各一錢 各研爲末

糯米四十九粒。先用礬灰拳大一塊。置磁碗內。量入井水。待熱氣將息。以米排入灰中。露尖在外。良久。候米如水晶狀。取出。將前四藥末。酌多少入糯米和勻。丸麥粒大。每用一粒。水濕粘瘡頭。其膿自出。薛立齋方

又方

白丁香研細。以米醋和。用小豆大一粒。乘濕安瘡上。卽穿。肘後方

又方



膽礬。雀屎。各少許。研細。蜜調點之。卽潰。直指方

又方

皂角刺。麩炒。黃耆。焙。各一兩。甘草。半兩。爲末。每服三錢。酒一盞。煎七分。入乳香五分。調服。本事方

又方

用舊荻。芒。簾。箔。上。經。繩。燒。灰。研。和。臘。猪。脂。傅。上。卽潰。不須針灸。千金方

八珍湯 治見論

當歸。酒洗。白芍。藥。酒。炒。熟。地。黃。川。芎。人。參。去。蘆。白

茯苓。白朮。炒。甘草。炙。各一錢。薑。三片。棗。二枚。水二

鍾。煎。八分。溫服

十全大補湯 治見論

卽前方加黃耆一錢。肉桂六分

四君子湯 治見論

人參。白朮。炒。白茯苓。各一錢半。甘草一錢。水二鍾煎八分。溫服

潰後 四十一方 與通治條參看

癰疽初潰



芫花根皮。搓作撚。插入。則不生。合膿。易竭。

集簡方

猪蹄湯。治一切潰瘍。消熱毒。去惡物。解穢氣。甚効。

用白芷。甘草。羌活。露蜂房。有蜂兒者。赤芍藥。當歸。

各等分。先用猪蹄一隻。水五碗。煮取清湯三碗。入

前藥三兩。煎數沸。去滓。洗患處。

外科精義

烏金膏。解一切瘡毒。及腐化瘀肉。最能推陳致新。

妙不容言。

巴豆仁炒焦黑。研成膏。點疼處。則解毒。塗淤肉。則

自化。加乳香少許亦可。若毒深不能收斂者。宜作

撚絰之。不致成漏。再用純陽之藥。以接其元氣。庶

易收斂。外科精義

乳香定痛散。治諸瘡潰爛。疼痛難忍。

乳香。沒藥。各二錢。寒水石煨。滑石。各四錢。片腦一

分。為細末。摻之。外科精要

壽星散。治全上。

用天南星為末。遍摻于上。疼即止。徐氏醫按

內補黃耆湯。治潰瘍作痛。倦怠。少食無睡。自汗口

乾。或發熱久不愈。



黃耆。鹽水拌炒。麥門冬。去心。熟地黃。酒拌。人參。茯苓。各一錢。甘草。炙五分。白芍藥。炒。川芎。官桂。遠志。當歸。酒洗。各七分。薑三片。棗二枚。水二鍾。煎八分。食遠。溫服。虛者。倍參。著。外科樞要

潰癰作痒不可忍者  
以鹽摩其四圍即止。外科精義

癰疽惡瘡膿血不止

地骨皮洗淨。將皮內細白穰刮取。以粗皮同骨煎湯洗。令膿血盡。以所取細白穰貼之。立効。有一朝

士病疽經歲。或以地骨皮湯洗之。出血一二升。家人俱欲止之。曰。疽覺少快。更以前湯洗之。血漸淡。乃止。以細穰貼之。次日結痂愈。唐慎微本草

癰膿不出

人乳汁合麪敷之。比曉膿盡出。不可近手。千金方

十全大補湯。治瘡潰膿清。或有膿不潰。久潰不斂。皆元氣虛弱。不能營運。服此。生血氣。壯脾胃。補諸虛。方見本門潰前條。

當歸補血湯。治瘡瘍潰後。氣血俱虛。肌熱躁熱。目



赤面紅頰渴引飲晝夜不息脈洪大而虛重按全無  
候服涼藥必死

神異膏 治癰疽未斂  
黃耆炙一兩當歸酒拌三錢水鍾半煎七分溫服

大露蜂房蛇蛻盪水洗杏仁各一兩玄參五錢黃  
丹水飛炒五兩麻油一斤男子亂髮如雞子一握  
先將麻油入鍋內煎髮溶盡下杏仁煎黑入蜂房  
蛇蛻仍煎黑濾去滓入黃丹急攪成膏試軟硬得  
中其丹不必拘定前數凡膏日久必硬當預留嫩

膏少許和之凡癰疽潰後以麥飯石膏塗之候瘡  
根漸收却以此膏斂之乃解毒生肌之良劑也

薛氏醫按麥飯石膏方見本門未潰條

收斂一切癰疽瘡口

貓頭一箇煨研雞子一箇煮熟去白以黃煎油入  
白蠟少許調灰敷之外以膏藥護住妙

醫方摘要

又方

血竭麝香各少許大棗燒灰半錢同研津調塗之  
宛原方



又方

經霜黃桑葉為末。傳之。直指方

又方

雞肫皮燒存性。為末。日搽之。本草綱目

又方

牛屎燒末。用雞子白和敷。乾即易。極効。千金月令

又方

亂髮。露蜂房。蛇蛻。各燒存性一錢。用溫酒食前調

服。神妙 蘇沈百方

一切癰疽瘡口不斂者

龜甲燒存性。研搽之。神妙 怪證奇方

又方

用生薑連皮切大片。塗白礬末炙焦。研細貼之。勿

動良。普濟方

又方

用雞肫黃皮。同綿絮焙末。搽之即斂。本草綱目

又方

木香。黃連。檳榔。等分為末。油調頻塗之。和劑局方



又方

用鼠皮燒灰敷之 本草綱目

又方

忍冬藤一把搗爛入雄黃五分水二升以確煎之  
紙封七重穿一孔待氣出以瘡對口熏之三時久  
大出黃水後用生肌藥 選奇方

又方

白膠香輕粉等分為末猪脂和塗 直指方

紅玉散 治瘡口不斂生肌肉止疼痛去惡水

寒水石二兩煨黃丹半兩飛為末摻之 和劑局方

豆豉餅 治一切癰疽既潰不斂瘡色黑黯

香豉一升入少水搗成泥照瘡大小作餅厚三分

鋪瘡上以艾灸之但使溫溫勿令破肉覺熱痛急

易之患當減快一日二次灸之如瘡有孔留孔勿

覆列艾其傍灸之聽汁出為妙 千金方

一切癰疽發背潰大如盤臭腐不斂

桐葉醋蒸貼之即生肉收口極驗 醫林正治

背疽大潰爛見五臟本屬死證用此可愈



鯽魚去腸實以羯羊糞。烘焦爲末。乾摻之。瘡口自收。此方屢用有效。須候膿少。欲生肌肉時用之。

洪氏方

冷瘡成漏

明礬半生半枯。共一錢。五靈脂水飛一錢爲末。以皮紙裁條。燃作小撚子。香油潤濕于末上。拖過。剪作大小撚。安入漏內。早安午換。候膿出盡。有少血出。方住藥。自然生肉。

普濟方

瘡癩作痒

菖蓄搗封之。癩落卽瘥。

肘後方

又方

白扁豆搗末封之。癩落卽愈。

肘後方

瘡中生蛆

以皂礬爲末。摻之。卽化爲水。

摘玄方

癰疽有蟲

鹿角燒爲末。醋和塗之。

本草綱目

又方

以栢枝節燒。瀝取油塗之。

本草別說



疔疽生於膺脛間。惡水淋漓。經年瘡冷。敗爲深疽。青黑。好肉虛腫。百治不瘥。或愈而復發。

用烏金膏蝕去惡肉。豕猪屎燒研末。納瘡孔令滿。有汁擠去。更敷有惡肉再蝕去。以平爲期。千金方

烏金膏方見前

瘡似蜂窩愈而復發者

官粉。硃砂。等分爲末。蜜和塗之。聖濟方

附骨疽漏

蟻螂七枚。同大麥搗敷。鬼遺方

蝦蟇膏 治附骨疽膿汁不已

用大蝦蟇一箇。亂髮如鷄子大一塊。猪脂四兩。煎枯去渣。待凝如膏。先以桑根皮。烏頭煎洗拭乾。煨

龍骨末。摻四邊。以前膏貼之。錦囊秘覽

附骨疽膿不出

鼠皮生剝貼之。卽追膿出。本草綱目

六君子湯 治見論

人參。白朮。土炒。白茯苓。半夏製。陳皮。各一錢。甘草炙八分。水二鍾。煎八分。溫服。



翻花 十方

惡瘡有肉如飯粒突出。破之流血。隨生

馬齒莧燒研。猪脂和敷之。 本草綱目

又方

鯽魚一箇去腸。以羯羊糞填滿。燒存性為末。先以

米泔洗過。搽之。 本草方

又方

丁香末敷之。外以膏藥護之。 怪證奇方

又方

蒼耳葉搗汁服三合。并塗之。日二三。 聖濟總錄

又方

用柳樹枝葉三斤。水五升。煎汁二升。熬如飴。日塗

三次。 聖惠方

又方

黎蘆末猪脂和敷。日三四上。 聖濟總錄

又方

官粉。乾臙脂。等分為末。鹽湯洗淨敷之。日五次愈

聖濟方



諸瘡弩肉如蛇頭出數寸

硫黃末一兩敷之即縮 聖方

又方

烏梅肉燒存性研敷惡肉上一夜立盡 鬼遺方

積年惡瘡翻花瘡漏瘡不瘥

用牛旁根搗爛和臘猪脂日日封之 千金方

**骨疽** 六方

冬骨疽常出細骨

密陀僧末桐油調勻攤貼之即愈 壽域方

又方

掘地作坑口小腹大深三尺以乾鷄矢同艾及荆葉搗碎入坑內燒令烟出以疽口就熏用衣擁之母令洩氣半日當有蟲出神效 千金方

蝦蟇膏 治骨從瘡孔中出

方見本門已潰條

久疽久漏中有朽骨

以烏骨鷄脛骨實以砒石鹽泥固濟煨過出火毒以骨研末飯丸粟米大每以白紙撚送一粒入竅



中。以拔毒膏藥封之。其骨自出

醫學正統

骨疽出骨不止愈而復發

烏雌鷄一隻。剔去肉。取骨燒成灰。以三家蒸篔。三

家砧案。刮屑各一兩。皆燒存性。和納瘡中。碎骨即

出盡而愈 千金方

又方

蔓菁子搗敷。用帛裹定。日一易之 千金方

**附癰毒**

三十一方

與通治潰前潰後條參看

一切腫毒瘡癰

草決明末。水調敷之 日華方

又方

東壁土。大黃。等分爲末。用無根井華水調塗乾。再

上 瑞竹堂方

又方

大黃末。米醋調塗愈 肘後方

又方

好硫黃三兩。蕎麥粉二兩。井水和捏作小餅。晒乾收之。臨用細研。新汲水調敷之。痛者即不痛。不痛



者即痛而愈 坦仙皆効方

又方

鬼蓋 即土菌黃白色 日乾研末和油塗之凡菌從

地出皆治瘡疥牛糞上黑菌尤佳 藏器本草

又方

黃蘗 音炒 川烏頭炮等分為末唾調塗之留頭頻

以米泔水潤濕 集簡方

小金絲膏 治一切瘡癰腫毒

黃香白膠香乳香各二錢沒藥一兩黃蠟三錢同

熬至滴水不散傾入水中扯干遍收貯每烘捻作

餅貼之 本草方

又方

五倍子炒紫黑色蜜調塗之 簡便方

又方

鹿角尖磨濃汁塗之甚妙 類湖方

又方

牛旁根洗淨搗敷之入塩少許極効 本草綱目

又方



蚤休 即重樓草根 醋摩敷之。諺云。七葉一枝花。深

山是我家。癰疽如遇我。好似手拈拏。 本草綱目

又方

野葡萄晒研為末。水調塗之。即消。 儒門事親

又方

荷葉中心蒂如錢者。不拘多少。煎湯淋洗。拭乾。以

飛過寒水石。同臘猪脂和塗。拔毒止痛神妙。 本草

綱目

又方

小芥子末。同栢葉搗塗。無不愈者。 千金翼方

癰毒初起

大黃。五倍子。黃檗。 音栢 為末等分。新汲水調塗。日四

五次。 簡便方

又方

紫花地丁。葱頭。生蜜。共搗貼之。 楊氏方

又方

生薑一塊。炭火炙焦一層。刮下一層。為末。以猪膽

汁調塗。 海上方



又方

乾薑炒紫。研末。醋調敷。四圍留頭。諸症便宜

又方

牡蠣粉。雞子清調塗乾。即易。拔毒如神。集驗方

癰毒焮痛

土蜂窩研細。川烏頭為末等分。醋調敷之。未結則

散。已結則破。藏器本草

又方

蓖麻子仁。搗敷即止。肘後方

太乙膏 治一切癰毒疼痛。及肺疽腸癰。為丸內服

尤妙

玄參。白芷。當歸。肉桂。大黃。赤芍藥。生地黄。各一兩。為咀。用真脂麻油二斤。春秋浸五日。夏三冬七日。煎黑瀘去渣。入黃丹十二兩。再煎至滴水成珠為度。絹帛攤貼。若為丸服。如綠豆大

瘡癰焮疼發寒熱

用粉草節。晒乾為末。熱酒服一二錢。連進三服。疼熱俱止。外科精要方



癰毒不潰

白丁香研末。油調塗腫上。卽潰。

藏器本草

癰毒不愈

爛船底船灰研末。油調傳之。

胡氏方

癰毒頻發不已

用通明瀝青八兩。銅綠二兩。麻油三錢。雄猪膽汁三箇。先溶瀝青。乃下油膽及銅綠。共熬至滴水成珠。傾入水中扯拔。收磁器中。每用緋帛攤貼。不須

再換

本草方

又方

露蜂房二枚。燒存性。以巴豆二十一粒。煎清油。二三沸。去豆。用油調敷。甚効。

唐氏得効方

鬚邊生癰

貓頸上毛。猪頸上毛。各一把。鼠屎一粒。燒研。油調

塗之

壽域方

頭上軟癰

大芋搗傳之。卽愈。

簡便方

又方



用抱出鷄卵殼燒存性研末。入輕粉少許。清油調敷。危氏方

癰癤腫硬無頭不變色者

米粉四兩。葱白一兩。同炒黑爲末。醋調貼之。一伏

時又摻以消爲度

外科精義



